

Hmong - Vaajtswv Ntawv - Salvation Scriptures

Efexau 2:2 Thaus hov mej nyam ua txhum ib yaam le tej tuabneeg kws nyob huv nplajteb nuav naj nub ua, hab mej ua lawv le tug kws kaav sau nruab ntug qha mej ua. Tug hov yog tug Daab Ntxwg Nyoo kws nwg nuav kaav cov tuabneeg kws tsw noog Vaajtswv lug.

Mathai 6:10 Thov koj lug kaav tuabneeg lub sab. Thov kuas ib puas tsaav yaam kws nyob huv nplajteb nuav ua lawv le koj lub sab nyam, ib yaam le ib puas tsaav yaam kws nyob sau ntuj tub ua lawv le koj lub sab nyam.

Luka 22:42 txwv, yog koj pum zoo thov koj tsw xob ca kuv raug tej kev txom nyem nuav. Txawm yog le caag los xwj, koj tsw xob ua lawv le kuv lub sab nyam, thov koj ua lawv le koj lub sab nyam xwb.

Yauhaa 16:7-9 Kuv qha tseeb tsua mej has tas, qhov kws kuv ncaim mej moog yuav paab mej heev dua le kws kuv nrug mej nyob. Yog kuv tsw ncaim mej moog tes tug paab yuav tsw lug cuag mej. Kuas yog kuv moog lawm kuv yuav khaiv nwg lug nrug mej nyob. **8** Thaus nwg lug nwg yuav qha kev txhum, kev ncaaj nceeg, hab kev txav txem tsua tuabneeg nplajteb paub tseeb. **9** Tog nwg qha kev txhum los vem yog tuabneeg nplajteb tsw ntseeg kuv.

2 Timaute 2:10 Tub yog vem le nuav kuv txha ua sab ntev thev ib puas tsaav yaam kev txom nyem, tsua qhov kuv hlub cov tuabneeg kws Vaajtswv tub xaiv ca lawm, hab xaav kuas puab lug ntseeg Yexu Kheto sub puab txha dim puab lub txem ib yaam le peb, hab txha tau Vaajtswv txuj moov hab tug fwjchim kws ci ntsaa quas ab moog ib txhws le.

Loo 15:20,21 Teg num kws kuv nyam heev dua lwm yaam huvsw, yog qhov kws moog qha txuj xuv zoo tsua huv tej tebchaws kws tseem tsw tau muaj tuabneeg nov txug Yexu ib zag le, txha le tsw muaj tuabneeg has tas, kuv moog tsa tsev tsua tej qua tsev kws luas tub ncaws ca lawm. **21** Lawv le tub muaj lug sau ca tsua huv Vaajtswv phoo ntawv has tas, Cov tuabneeg kws yeej ib txwm tsw tau paub nwg, puab yuav

paub. Cov tuabneeg kws tsw tau nov dua, paub yuav to taub.
Cov Tubkhai Teg Num 2:36,37 Yog le ntawm cov tuabneeg
Yixayee, mej suavdawg yuav tsum paub tseeb has tas, tug
Yexu kws mej muab teem tsua sau ntoo khaublig, nwg nuav
Vaajtswv tub tsaa nwg ua tug tswv hab ua tug Cawmseej
lawm. 37 Thaus cov tuabneeg nov dheev Pestus qha le hov,
paub ntxhuv sab kawg le, paub txawm nug Pestus hab cov
tubkhai has tas, cov kwvtij, ais peb yuav ua le caag os.
Hephlais 4:2 Tsua qhov peb puav leej nov txuj xuv zoo ib yaam le
paub tau nov lawm hab. Puab tub nov kuas txuj xuv zoo ntawm
tsw muaj qaabhau tsua puab, tsua qhov thaus puab nov puab
tsw ntseeg.
Yelemi 24:7 - Mathai 22:37 Yexu teb has tas, koj yuav tsum noog
Vaajtswv kws yog koj tug tswv lug kawg sab kawg ntsws,
kawg plaab kawg plawv.
Cov Tubkhai Teg Num 16:14 Cov quaspuj hov muaj ib tug hu ua
Lutiya, yog tuabneeg Thuathila, nwg tuaj ua luam muag ntaub
yimlaaj. Nwg yog ib tug coj Vaajtswv kevcai. Thaus nwg nov
Povlauj qha, Vaajtswv qheb nwg lub sab ua tsua nwg to taub
tej lug kws Povlauj qha.
Mathai 13:14,15 Muaj le nuav mas txha lawv le tej lug kws
xwbfwb Yaxaya tug kws cev Vaajtswv lug tau qha tseg has
tas, Vaajtswv has tas, Mej yuav noog taag noog thab, los mej
yuav tsw to taub. Mej yuav saib taag saib thab, los mej yuav
tsw pum. 15 Tsua qhov cov tuabneeg nuav lub sab ruag. Puab
tsw xaav noog, puab ntsaws qhov ntsej. Puab tsw xaav saib,
puab qe muag. Yog puab tsw ua le ntawm ntshai tsaam tes
puab qhov muag yuav pum, puab qhov ntsej yuav nov. Puab
yuav to taub tes puab yuav tig rov lug cuag kuv, hab kuv yuav
tau khu puab tej mob.
Yaxaya 6:9,10 Mas nwg has tas ca le moog has tsua cov
tuabneeg tas, txawm yog mej noog taag noog thab los mej
yuav tsw nkaag sab, hab saib taag saib thab los yuav tsw pum
tsw paub tas muaj xwm daabtsw. 10 Mas nwg has tsua kuv
tas, ca le ua tsua haiv tuabneeg nuav lub sab ruag qhwv, hab
ua kuas puab laag ntseg hab dig muag hab tsw txawj nkaag
sab. Tsaam tes puab lub qhov muag tsua pum, puab lub qhov
ntsej tsua nov, tes puab tsua nkaag sab es tsua tig lug cuag

kuv es kuas kuv khu puab zoo.

Malakau 4:11,12 Yexu has tsua puab has tas, yaav taag lug lawm mej tsw paub qhov kws Vaajtswv hu suavdawg lug ua nwg le tuabneeg, kuas nwgnuav Vaajtswv tub qha zaaj ntawm tsua mej paub lawm. Kuas txhua zaaj kws lwm cov nov puav leej yog ua pev lug qha xwb. 12 Muaj le nuav txha lawv le tub muaj lug sau ca tsua huv Vaajtswv phoo ntawv lawm has tas, Puab yuav saib taag saib thab los tsw pum, Puab yuav nov taag nov thab los tsw nkaag sab. Yog puab pum hab nkaag sab lawm, ntshai tsaam tes puab yuav tig hlo lug cuag Vaajtswv, tes Vaajtswv yuav zaam puab lub txem.

Yauhaa 12:39,40 Tub yog vem le nuav puab txha tsw ntseeg, tsua qhov Yaxaya has dua ib zaaj has tas, 40 Vaajtswv ua tsua puab dig muag, hab ua tsua puab lub sab ruag, kuas puab lub qhov muag tsw pum kev, hab kuas puab lub sab tsw to taub. Puab txha tsw tau lug kuas kuv khu puab tej mob.

Loo 11:7,8 Peb paub tas, cov Yixayee tsw tau tej kws puab nrhav. Tsuas yog cov nyuas kws Vaajtswv xaiv ca lawm txha le tau xwb. Dua le tej Vaajtswv ca puab zoo le cov tuabneeg laag ntseg kws tsw nov lug, puab txha tsw nov Vaajtswv tej lug. 8 Tej nuav lawv le tub muaj lug sau ca tsua huv Vaajtswv phoo ntawv has tas, Vaajtswv ca puab lub sab ruag kuas puab tsw to taub. Txawm yog naj nub nwgnuav los puab tseem tsw pum kev hab tseem tsw nov lug.

2 Thexalaunike 2:10,11 Nwg yuav ua ib puas tsaav yaam phem ntxag cov tuabneeg kws yeej yuav puam tsuaj moog. Cov tuabneeg ntawm yuav puam tsuaj tsua qhov puab tsw kaam noog, hab tsw nyam txujlug tseeb kws yuav paab tau kuas puab dim puab lub txem. 11 Tub yog vem le ntawm Vaajtswv txha ca txujkev daag ntxag lug tshoov puab lub sab kuas puab ntseeg tej kws tsw tseeb.

Mathai 13:18-23 Yog le ntawm mej ca le noog, kuv yuav txhais zaaj kws has txug tug kws moog tseb noob ntawm saib yog le caag. 19 Cov noob kws poob tsua huv txujkev yog pev txug cov tuabneeg kws nov zaaj kws Vaajtswv yuav lug kaav tuabneeg lub sab kuas tsw to taub, Daab Ntxwg Nyoog txeeb tej lug kws nwg nov hov lawm. 20 Cov noob kws poob tsua ntawm qhov aav kws huv muaj pob zeb tiv lawm yog pev txug cov tuabneeg

kws nov dheev Vaajtswv txujlug mas zoo sab hlo yuav taamswm hov, 21 kuas txujlug hov txeem tsw tub tsua huv puab lub sab. Puab yuav ib nyuas ntu xwb, thaus puab raug kev txom nyem lossws kev tswm txom vem yog puab yuav txujlug hov tes puab txawm thim hlo rov qaab lawm. 22 Cov noob kws poob tsua huv tsob xuav paug, yog pev txug cov tuabneeg kws nov Vaajtswv txujlug, kuas puab tej kev ntxhuv sab, kev ntshaw nyaj ntshaw txaj hluv tuaj laum Vaajtswv txujlug lawm, txujlug ntawm txha tsw txw txwv. 23 Cov noob kws poob tsua ntawm cov aav zoo pev txug cov tuabneeg kws tau nov Vaajtswv txujlug mas nkaag sab hab txw txwv. Cov tuabneeg ntawm ib txha txw tau ib puas npaug, ib txha txw tau rau caum npaug, hab ib txha txw tau peb caug npaug.

2 Kauleethau 3:15,16 Txawm yog naj nub nwgnav los thaus cov Yixayee nyeem Mause tej kevcai daim ntaub hov tseem npug quas nreeg puab lub sab. 16 Kuas tub muab daim ntaub ntawm yaws lawm. Lawv le muaj lug sau ca tsua huv Vaajtswv phoo ntawv has txug Mause has tas, txhua zag kws Mause tig xub ndag moog tsua ntawm tug tswv mas tub muab daim ntaub kws npug Mause lub plhu yaws lawm.

Hauxeya 11:3-7 Kuas kuv yeej yog tug kws qha cov Yixayee moog kev. Kuv puag kuv haiv tuabneeg tsua huv kuv lub xub ndag, kuas puab tsw kaam leeg has tas kuv yog tug kws tu puab. 4 Kuv ua tuab zoo hluv puab, nqug puab lug cuag kuv. Kuv tsaws puab puag npuab kuv plhu. Kuv khoov ntshws pub mov tsua puab noj. 5 Puab tsw kaam rov lug cuag kuv, mas puab yuav tsum rov moog nraag iyi tebchaws, hab Axilia tebchaws yuav kaav puab. 6 Yuav muaj tsuv muaj rog tuaj sai kawg thoob plhawv tsua huv puab tej moos ua tsua puab tej rooj loog puag taag. Luas yuav tua kuv haiv tuabneeg pov tseg huvsw, tsua qhov puab ua lawv le tej kws puab lub sab nyam xwb. 7 Puab tawv ncauj puab yeej yuav tswv tawm ntawm kuv moog. Puab yuav quaj qw vem puab kwv rawv tug ntaas, yuav tsw muaj leejtwg muab txu moog.

Cov Tubkhai Teg Num 26:18 Kuv yuav khaij koj moog qha cov tuabneeg kws nyob huv qhov tsaus ntuj kuas puab tawm lug nyob qhov pum kev, hab tawm huv Daab Ntxwg Nyoo txhais teg lug cuag Vaajtswv. Thaus puab lug ntseeg kuv lawm

Vaajtswv yuav zaam puab lub txem mas puab txha tau lug nrug cov tuabneeg kws Vaajtswv tau xaiv ca ua Vaajtswv le tuabneeg lawm nyob ua ke.

2 Timaute 2:24-26 Tug kws ua Vaajtswv le tubkhai nwg tsw xob sws caav sws tshe. Nwg yuav tsum hlub txhua tug, muab tsua sau sab qha, ua sab ntev, 25 hab ua tuab zoo ntuag cov kws thuaj nwg. Yog nwg ua le ntawm, tej zag Vaajtswv yuav paab kuas cov tuabneeg ntawm muaj swmhawm tso puab tej kev txhum tseg hab ua lawv le Vaajtswv txujlug. 26 Hab puab yuav ncu dheev has tas, puab maag Daab Ntxwg Nyoog lub vuj hlua lawm, hab Daab Ntxwg Nyoog pheej yuam kuas puab ua lawv le Daab Ntxwg Nyoog lub sab. Thaus puab ncu txug tej ntawm mas puab yuav tswv dim.

Qha Tshwm 3:17-19 Mej has tas, mej nplua nuj tsw pluag ib yaam daabtsw le, kuas mej tsw paub mej tub tsw muaj daabtsw le. Mej pluag mej lab qaab hab mej dig muag. 18 Mas kuv txha qha tsua mej has tas, mej ca le tuaj yuav kuv cov kub kws yog cov tseem kub, mej txha le nplua nuj. Mej ca le tuaj yuav cev rwg tsho dawb coj moog naav npug mej lub cev kws lab qaab mej txha tsw txaaj muag. Hab mej ca le tuaj yuav tshuaj moog teev mej qhov muag mej txha le pum kev. 19 Kuv yeej tshev hab nplawm txhua tug kws kuv hlub. Yog le ntawm, mej yuav tsum muab tsua sau sab ntseeg hab tso plhuav mej tej kev txhum tseg.

2 Kauleethau 7:10 Qhov kws Vaajtswv ca mej tu sab tub ua tsua mej tso mej tej kev txhum tseg kuas mej tau lug ua tuabneeg tshab, mas tsw taag leejtwg yuav tu sab. Kuas cov tuabneeg kws tsw ntseeg Vaajtswv, mas txawm yog puab paub tu sab tsua puab tej kev txhum los yog puab tsw tso tseg, tes puab yeej yuav raug kev pluj kev tuag.

1 1 Vaaj Ntxwv 18:37 Yawmsaub thov koj teb kuv tej lug kuas ib tsoom pejxeem nuav paub tas koj kws yog Yawmsaub yog Vaajtswv tag, hab koj yog tug kws saamswm coj puab rov lug cuag koj dua. Yawmsaub, thov koj teb kuv.

2 Kauleethau 4:4 Puab tsw ntseeg tsua qhov tug Daab Ntxwg Nyoog kws kaav nplajteb nuav tub ua tsua puab lub sab dig muag tsw kheev puab pum tug duab tshaav ntuj kws ci tuaj tsua puab. Tug duab ntawm -yog txuj xuv zoo kws has txug

Yexu Kheto tug fwjchim kws ci ntsaa quas ab. Yexu Kheto zoo ib yaam nkaus le Vaajtswv tsw txawv hov twg le, hab koom tuab lub sab.

Luka 8:11-15 Zaaj pev lug hov txhais le nuav has tas, cov noob ntawm pev txug Vaajtswv txujlug. 12 Cov noob kws poob tsua ntawm txujkev pev txug cov tuabneeg kws nov Vaajtswv txujlug, kuas Daab Ntxwg Nyoog lug txeeb txujlug hov tawm huv puab lub sab lawm, tsw kheev puab ntseeg hab tsw kheev puab dim tau puab lub txem. 13 Cov noob kws poob tsua qhov aav kws muaj pob zeb tiv huv lawm pev txug cov tuabneeg kws nov dheev Vaajtswv txujlug, puab zoo sab hlo yuav, kuas txuj-lug hov txeem tsw tub tsua huv puab lub sab. Puab ntseeg ib ntus xwb, thaus puab raug Daab Ntxwg Nyoog ntxag, puab ca le thim hlo rov qaab lawm. 14 Cov noob kws poob tsua huv qhov kws muaj xuav paug pev txug cov tuabneeg kws nov Vaajtswv txujlug, kuas puab tej kev ntshuv sab, kev ntshaw nyaj ntshaw txaj hab kev lom zem huv nplajteb nuav hlub tuaj laum Vaajtswv txujlug lawm, txujlug ntawm txha tsw txawj hlub. 15 Cov noob kws poob tsua huv qhov aav zoo, pev txug cov tuabneeg kws nov Vaajtswv txujlug puab ntseeg tag tag hab noog nwg lug zoo, hab khaws txujlug hov ca tsua huv puab lub sab, hab ua sab ntev moog txug nub kws txujlug hov hlub hab txw txwv.

Cov Tubkhai Teg Num 15:11 Mej ua le hov tsw yog lawm. Qhov kws peb dim peb lub txem tub yog vem tug Tswv Yexu hlub peb xwb. Puab cov los kuj ib yaam nkaus le peb hab.

Loo 8:13 Yog mej ua mej lub neej lawv le lub sab qub, tes mej yeej yuav tuag, kuas yog mej ca Vaajtswv tug Ntsuj Plig muab mej tej kev txhum ua kuas puam tsuaj taag huvsw, mas mej txha le tau txujsa.

**Pastor T. John Franklin
Church of Salvation, Healing, and Deliverance
COS-HAD.org**